

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი

ბრძანება № 01-02/122

ქ. ბათუმი

22 ივლისი, 2021 წ.

ბსუ-ს ზოგიერთი სამაგისტრო პროგრამის კურსდამთავრებულთა ინფორმირებისათვის განსახორციელებელი ღონისძიებისა და დროებითი კომისიის შექმნის შესახებ

„უმაღლესი განათლების შესახებ“ საქართველოს კანონის 22-ე მუხლის, წესდების მე-13 მუხლის, სსიპ - განათლების ხარისხის განვითარების ეროვნული ცენტრის 2021 წლის 29 აპრილის წერილის (MES8210000432100), სსიპ - განათლების ხარისხის განვითარების ეროვნული ცენტრისადმი გაგზავნილი ბსუ-ს წერილის (14.05.2021 წლის MES9210000447916), ავტორიზაციის ექსპერტთა ჯგუფის საბოლოო დასკვნის (N 453959, 19.05.2021 წ.), ავტორიზაციის საბჭოს 2021 წლის 25 მაისის გადაწყვეტილების (60-დღიანი ვადა ხარვეზის გამოსწორების თაობაზე, ავტორიზაციის საბჭოს 2021 წლის 9 ივნისის სხდომის ოქმის NMES0210000549059), „ბსუ-ს ზოგიერთი სამაგისტრო საგანმანათლებლო პროგრამის კურსდამთავრებულთათვის (2011-2012 სასწავლო წლიდან ჩარიცხული პირები) ზედმეტად გადახდილი სწავლის საფასურის დაბრუნების საორგანიზაციო ღონისძიებების შესახებ“ ბსუ-ს წარმომადგენლობითი საბჭოს 2021 წლის 15 ივლისის N07-01/30 გადაწყვეტილების საფუძველზე

ვბრძანებ:

1. წარმომადგენლობითი საბჭოს 2021 წლის 15 ივლისის N07-01/30 გადაწყვეტილების საფუძველზე ბსუ-ს სამაგისტრო პროგრამები: „სამართალი“, „ბიზნესის ადმინისტრირება“ და „ფინანსები და საბანკო საქმე“ და „ტურიზმისა და მასპინძლობის მენეჯმენტის“ კურსდამთავრებულთა/ყოფილ სტუდენტთა მიერ ბსუ-ში ზედმეტად გადახდილი სწავლის საფასურის დაბრუნების შესაძლებლობის შესახებ ამ პირთა ინფორმირების მიზნით ბსუ-ს ვებგვერდზე განთავსდეს განცხადება (დანართი 1).
2. წარმომადგენლობითი საბჭოს 2021 წლის 15 ივლისის N07-01/30 გადაწყვეტილების აღსრულების, ზედმეტად გადახდილი სწავლის საფასურის დაბრუნების პროცესის მონიტორინგის მიზნით შეიქმნას დროებითი კომისია შემდეგი შემადგენლობით:

- ა) რექტორის მოადგილე თამარ სირაძე - კომისიის თავმჯდომარე;
  - ბ) ადმინისტრაციის ხელმძღვანელი იაკინთე ჩხარტიშვილი - კომისიის თავმჯდომარის მოადგილე;
  - გ) ბსუ-ს ხარისხის უზრუნველყოფის სამსახურის ხელმძღვანელის მ/შ ირაკლი კორძაია;
  - დ) საფინანსო-ეკონომიკურ დეპარტამენტის უფროსი გურამ გვარიშვილი;
  - ე) იურიდიული დეპარტამენტის უფროსი ჟანა ჯიბლაძე;
  - ვ) სასწავლო პროცესის დეპარტამენტის უფროსი ირმა ქერქაძე;
  - ზ) სტუდენტთა კარიერული განვითარებისა და კულტურის დეპარტამენტის უფროსი მერაბ დიასამიძე.
3. კომისიის სხდომები გაიმართოს ყოველ 10 სამუშაო დღეში და იხელმძღვანელოს „ბსუ-ს ზოგიერთი სამაგისტრო საგანმანათლებლო პროგრამის კურსდამთავრებულთათვის (2011-2012 სასწავლო წლიდან ჩარიცხული პირები) ზედმეტად გადახდილი სწავლის საფასურის დაბრუნების საორგანიზაციო ღონისძიებების შესახებ“ ბსუ-ს წარმომადგენლობითი საბჭოს 2021 წლის 15 ივლისის N07-01/30 გადაწყვეტილებით და წინამდებარე ბრძანებით.
4. ბრძანება გამოქვეყნდეს ბსუ-ს ვებგვერდზე.
5. ბრძანება დაეგზავნოს ადმინისტრაციის ხელმძღვანელს, ხარისხის უზრუნველყოფის სამსახურს, რექტორის მოადგილეს, იურიდიული და სოციალურ მეცნიერებათა ფაკულტეტს, ეკონომიკისა და ბიზნესის ფაკულტეტს, ტურიზმის ფაკულტეტს, სასწავლო პროცესის დეპარტამენტს, საფინანსო-ეკონომიკურ დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს და იურიდიულ დეპარტამენტს და საინფორმაციო ტექნოლოგიების სამსახურს.
6. ბრძანება ძალაშია ხელმოწერისთანავე.
7. ბრძანება შეიძლება გასაჩივრდეს მისი ბსუ-ს ვებგვერდზე გამოქვეყნებიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

ბსუ-ს რექტორი, ასოცირებული პროფესორი



მერაბ ხალვაში



ბსუ-ს სამაგისტრო პროგრამების: „სამართალი“, „ბიზნესის ადმინისტრირება“ და „ფინანსები და საბანკო საქმე“ და „ტურიზმისა და მასპინძლობის მენეჯმენტის“ კურსდამთავრებულთა/ყოფილ სტუდენტთა საყურადღებოდ!

„ბსუ-ს ზოგიერთი სამაგისტრო საგანმანათლებლო პროგრამის კურსდამთავრებულთათვის (2011-2012 სასწავლო წლიდან ჩარიცხული პირები) ზედმეტად გადახდილი სწავლის საფასურის დაბრუნების საორგანიზაციო ღონისძიებების შესახებ“ ბსუ-ს წარმომადგენლობითი საბჭოს 2021 წლის 15 ივლისის N07-01/30 გადაწყვეტილებით ცვლილება შევიდა „საჯარო სამართლის იურიდიული პირი - შოთა რუსთაველის სახელმწიფო უნივერსიტეტის საგანმანათლებლო პროგრამებზე 2011-2012 წლებისათვის სწავლის საფასურის ოდენობების განსაზღვრის თაობაზე“ ბსუ-ს წარმომადგენლობითი საბჭოს 2011 წლის 24 ივნისის N8 გადაწყვეტილებაში ბსუ-ს სამი სამაგისტრო პროგრამის („სამართალი“, „ბიზნესის ადმინისტრირება“ და „ფინანსები და საბანკო საქმე“) ნაწილში და ნაცვლად 2500 ლარისა, 2011-2012 სასწავლო წლის შემოდგომის სემესტრიდან სწავლის წლიური საფასური განისაზღვრა 2250 ლარით.

ბსუ-ს წარმომადგენლობითი საბჭოს 15 ივლისის N07-01/30 გადაწყვეტილების მე-2 პუნქტის თანახმად, 2250 ლარამდე სწავლის წლიური საფასურის შემცირების შესახებ წარმომადგენლობითი საბჭოს ეს გადაწყვეტილება და 2021 წლის 16 თებერვლის N07-01/11 გადაწყვეტილება ვრცელდება 2011-2012 სასწავლო წლიდან 2020-2021 სასწავლო წლებში ბსუ-ს სამაგისტრო პროგრამებზე: „სამართალი“, „ბიზნესის ადმინისტრირება“ და „ფინანსები და საბანკო საქმე“ და „ტურიზმისა და მასპინძლობის მენეჯმენტის“ (2018-2019 სასწ. წლიდან) ჩარიცხულ ბსუ-ს სტუდენტებზე, რომლებმაც დაასრულეს სწავლა (კურსდამთავრებულები) ან სხვადასხვა მიზეზით შეუწყდათ ბსუ-ს სტუდენტის სტატუსი (შიდა/გარე მობილობით/პირადი განცხადებით ან სხვა).

წარმომადგენლობითი საბჭოს 15 ივლისის N07-01/30 გადაწყვეტილების მე-3 პუნქტის თანახმად, ბსუ-ს შესაბამისი სამაგისტრო პროგრამების კურსდამთავრებულებს/სტატუსშეწყვეტილ პირებს (2011-2012 სასწავლო წლიდან ჩარიცხული პირები), რომლებსაც გადახდილი აქვთ ბსუ-ში სწავლის წლიური საფასური 2 250 ლარზე მეტი ოდენობით, ჩათვალათ ზედმეტად გადახდილად.

კურსდამთავრებულებს/სტატუსშეწყვეტილებს, მათი წერილობითი განცხადებების შესაბამისად, ბსუ-ს ადმინისტრაციის ხელმძღვანელის ბრძანების საფუძველზე

დაუბრუნდებათ ზედმეტად გადახდილი სწავლის საფასური ეტაპობრივად, უფლებამოსილი პირის განცხადების წარმოდგენიდან არაუგვიანეს 2 თვის ვადაში, ხოლო იმ კურსდამთავრებულებს/სტატუსშეწყვეტილებს, ვინც 2021 წლის 15 ივლისამდე წარმოადგინა განცხადება ზედმეტად გადახდილი თანხის დაბრუნების თაობაზე - არაუგვიანეს 2021 წლის სექტემბრისა.

ზედმეტად გადახდილი თანხის დაბრუნების თაობაზე განცხადებები უფლებამოსილმა პირმა შესაძლებელია წარმოადგინოს ბსუ-ს კანცელარიის მეშვეობით ან ელექტრონულად (სტუდენტური პორტალის ან ბსუ-ს ოფიციალური ფოსტის საშუალებით - [info@bsu.edu.ge](mailto:info@bsu.edu.ge)). განცხადებაში უნდა მიეთითოს სახელი, გვარი, პირადი ნომერი, ბსუ-ს რომელ სამაგისტრო პროგრამაზე სწავლობდით, რომელ წლებში, საკონტაქტო ტელეფონი, ელექტრონული ფოსტა, რეგისტრირებული და ფაქტობრივი საცხოვრებელი ადგილი, ასევე საბანკო ანგარიშის ნომერი, რომელზეც შეიძლება ჩაირიცხოს ბსუ-ში ზედმეტად გადახდილი სწავლის საფასური.

იხილეთ ქვემოთ ბსუ-ს წარმომადგენლობითი საბჭოს გადაწყვეტილებები:

1. ბსუ-ს წარმომადგენლობითი საბჭოს 2021 წლის 15 ივლისის N07-01/30 გადაწყვეტილება;
2. ბსუ-ს წარმომადგენლობითი საბჭოს 2021 წლის 16 თებერვლის N07-01/11 გადაწყვეტილება.